






春秋四傳通辭 五



內閣文庫			
番號	漢	8411	
冊數	6 (3)		
函號	275	44	




春秋四傳通辭卷五

淺草文庫


僖公

浙汜陳士芳清佩輯



戊惠王八年正月

胡傳 閔公薨。夫人孫于邾。慶父出奔莒。公于是焉以成



風所屬而季子立之。內無所承也。嗣子立位于初。喪而魯使不告于周。明年正位改元。而周使亦不

春秋四傳通辭

卷五 僖公

乙

至于魯又明年服喪已畢而不見于京師上不請命也。

齊師宋師曹師次于聶北救邢

公羊傳救邢不言次此其言次何不及事也不及事

者何邢已亡矣孰亡之蓋狄滅之曷為不言狄滅之為桓公諱也曷為為桓公諱上無天子下無方伯天下諸侯有相滅亡者桓公不能救則桓公恥之曷為先言次而後言救君也君則其稱師何不與諸侯專封也曷為不與實與而文不與文曷為

不與諸侯之義不得專封也諸侯之義不得專封則其曰實與之何上無天子下無方伯天下諸侯有相滅亡者力能救之則救之可也

胡傳

三國稱師見兵力之有餘也聶北書次譏救邢之不速也春秋大義伐而書次其次為善遂伐楚次于陘美之也救而書次其次為貶救邢次于聶北譏之也

韓非子曰狄人伐邢桓公將救之鮑叔諫曰太蚤邢不亡狄不敵狄不敵齊不重且夫持危之

功。不。如。存。亡。之。德。大。君。不。若。晚。救。之。以。敝。狄。齊。實。利。待。邢。亡。而。復。存。之。其。名。實。美。桓。公。乃。弗。救。

夏六月邢遷于夷儀

齊師宋師曹師城邢

胡傳邢以自遷為文。而再書齊師宋師曹師城邢者。美桓公志義。卒有救患之功也。

秋七月戊辰夫人姜氏薨于夷齊人以歸

楚人伐鄭荆始書楚

胡傳楚稱人浸強也。莊公十年敗蔡師虜獻舞。固已強矣。

矣。然獨舉其號者。始見于經。則本其僭竊之罪。正其夷狄之名。著王法也。二十三年來聘。嘉其慕義。

乃以人書。二十八年伐鄭。惡其猾夏。復以號舉。至是又伐鄭也。亦書人者。豈許其伐國而人之乎。會中華執盟主。朝諸侯。長齊晉。其所由來者漸矣。

八月公會齊侯宋公鄭伯曹伯邾人于榿

九月公敗邾師于偃

冬十月壬午公子友帥師敗莒師于鄆。獲莒挈三季孫桓

氏所始

公羊傳 莒挈者何。莒大夫也。莒無大夫。此何以書。大季

子之獲也。何大乎季子之獲。季子治內難以正。禦

外難以正。其禦外難以正。奈何。公子慶父弑閔公。

走而之莒。莒人逐之。將由乎齊。齊人不納。却反舍

于汶水之上。使公子奚斯入請。季子曰。公子不可

以入。入則殺矣。奚斯不忍。反命于慶父。自南浹北

面而哭。慶父聞之曰。嘻。此奚斯之聲也。諾已。皆自畢語

曰。吾不得入矣。于是抗柝。小車經而處。莒人聞之

曰。吾已得子之賊矣。以求賂乎魯。魯人不與。為是

興師而伐魯。季子待之以偏戰。偏一面也。各俱一

十有二月丁巳。夫人氏之喪。至自齊。

穀梁傳其不言姜以其殺二子貶之也。

癸亥惠王十九年二年

春王正月城楚丘。封衛也

左傳衛文公大布之衣。大帛之冠。務材訓農。通商惠工。

敬教勸學。授方任能。元年。革車三十乘。季年。乃三

百乘。

夏五月辛巳。葬我小君哀姜。

方中

所謂作也

春秋左傳通解 卷五 僖公 四

虞師晉師滅下陽

公穀作夏陽
晉始見經

傳穀梁非國而曰滅重夏陽也虞無師其曰師何也以

其先晉不可以不言師也其先晉何也為主乎滅

夏陽也夏陽者虞虢之塞邑其地險要也滅夏陽而虞

虢舉矣虞之為主乎滅夏陽何也晉獻公欲伐虢

荀息曰君何不以屈產之乘垂棘之璧而借道乎

虞也公曰此晉國之寶也如受吾幣而不借吾道

則如之何荀息曰此小國之所以事大國也彼不

借吾道必不敢受吾幣如受吾幣而借吾道則是

我取之中府而藏之外府取之中廡而置之外廡

也公曰宮之奇存焉必不使受之也荀息曰宮之

奇之為人也達心而懦又少長于君達心則其言

略懦則不能強諫少長于君則君輕之且夫玩好

在耳目之前而患在一國之後此中知以上乃能

慮之臣料虞君中知以下也公遂借道而伐虢宮

之奇諫曰晉國之使者其辭卑而幣重必不便于

虞虞公弗聽遂受其幣而借之道宮之奇諫曰語

曰唇亡則齒寒其斯之謂與挈其妻子以奔曹獻

春秋左傳卷五十四 襄公十四年 齊侯伐魯

公亡號五年。而後舉虞荀息。率馬操壁而前。曰壁則猶是也。而馬齒加長矣。

胡傳

晉人造意以虞首惡。何也。貪得重賂。遂其強暴。滅兄弟之國。以及其身。而亡其社稷。所以為首乎。唐高宗賜其臣長孫無忌金寶繒錦。欲以立武昭儀。雖無忌終不順旨。君子猶譏其沒于利而不反。君之賜也。矧受他人之賂。遂其強暴者乎。國而曰滅。下陽邑。爾其書滅。何也。下陽。虞虢之塞邑。猶秦有潼關。蜀有劍嶺。皆國之門戶也。潼關不守。則秦蜀

破下陽既舉而虞虢亡矣

春秋誅惡皆罪其與之為惡者也。故以齊首石曼姑。以宋首州吁。以虞首晉。以子家首子公厥後。滅漢者張禹。非王氏亡唐者李勣。非武后得春秋之旨矣。

衣裳之會
在九合
政

胡傳

秋九月。齊侯宋公。江人黃人。盟于貫。按左氏。盟于貫。服江黃也。荆楚天下莫強焉。江黃者。其東方之與國也。二國來定盟。則楚人失其右臂矣。樂毅破齊。先結韓趙。孔明伐魏。申好江東。雖

春秋左傳卷五十四 襄公十四年 齊侯伐魯 六

武王牧野之師亦誓友邦遠及庸蜀彭濮桓公此
盟其服荆楚之慮周矣

附錄

左傳齊寺人貂始漏師于多魚貂擅貴寵漏洩桓公軍事為齊亂張本多魚地名

○虢公敗戎于桑田晉卜偃曰虢必亡矣亡下

陽不懼而又有功是天奪之鑑而益其疾也必易

晉而不撫其民矣不可以五稔穀熟曰稔不可過五年也

冬十月不雨

楚人侵鄭

甲子惠王二十年三年

春王正月不雨

夏四月不雨

胡穀梁子曰不雨者勤雨也每雨而一書閔雨也閔

雨者有志乎民者也歷時而總書不憂雨也不憂

雨者無志乎民者也按詩稱僖公儉以足用寬以

愛民務農重穀則誠賢君也其有志乎民審矣

冬不雨而書春不雨而書夏不雨而書以著其

也文公以練祭則緩于作主以宗廟則大室屋壞

春秋左傳卷五 僖公五年 齊侯以不視朔以邦交則三不會盟其無志

以賦政則四不視朔以邦交則三不會盟其無志乎民亦審矣故自十有二月不雨至于秋七月而書自正月不雨至于秋七月而書以著其慢也

徐人取舒 徐附齊故為

六月雨

秋齊侯宋公江人黃人會于陽穀

穀梁 陽穀之會桓公委端措筭而朝諸侯諸侯皆諭

乎桓公之志

胡 按左氏謀伐楚也或曰侵蔡次陘之師諸侯皆在

江黃獨不與焉則安知其為謀伐楚乎曰兵有聚而為正亦有分而為奇諸侯之師同次于陘所謂聚而為正也江人黃人各守其地所謂分而為奇也次陘大衆厚集其陣聲罪致討以震中國之威江人黃人各守其境按兵不動以為八國之援此克敵制勝之謀也退于召陵而盟禮定循海以歸而濤塗執然後及江人黃人伐陳則知侵蔡次陘而二國不會自為犄角之勢明矣此大會而末言者善是謀也

春秋左傳卷五 僖公五年 僖公五年 八

冬公子友如齊涖盟

楚人伐鄭

附錄

左傳齊侯與蔡姬乘舟于囿。蕩公。公懼變色。禁之。不可。

公怒歸之。未之絕也。蔡人嫁之。為明年侵蔡傳

乙丑惠王二十一年四年

春王正月公會齊侯宋公陳侯衛侯鄭伯許男曹伯

侵蔡蔡潰遂伐楚次于陘

左傳春齊侯以諸侯之師侵蔡蔡潰遂伐楚楚子使與

師言曰君處北海寡人處南海唯是風馬牛不相

及也。牝牡相誘曰風言雖不相及不虞君之涉吾地也何

故管仲對曰昔召康公命我先君太公曰五侯九

伯女實征之以夾輔周室賜我先君履。所踐東至

于海西至于河南南至于穆陵北至于無棣爾貢包

茅不入王祭不共無以縮酒寡人是徵昭王南征

而不復。南巡舟溺于海寡人是問對曰貢之不入寡君之

罪也敢不共給昭王之不復君其問諸水濱。昭王時漢

非楚竟故師進次于陘不受罪

可廢辨士

夏許男新臣卒

胡傳劉敞曰諸侯卒于外者在師則稱師在會則稱會

今許男一無稱者此去師與會而復歸其國之驗

也召陵地在潁川是以許男復焉古者國君即位

而為柩音關歲一漆之出疆必載柩卒于師曰師

卒于會曰會正也許男新臣卒非正也

楚屈居勿完桓來盟于師盟于召陵

公羊傳曷為再言盟喜服楚也何言乎喜服楚楚有王

者則後服無王者則先叛夷狄也而亟病中國南

美者焉

齊人執陳轅公穀濤塗作袁

左傳陳轅濤塗謂鄭申侯陳鄭二大夫曰師出于陳鄭之間

國必甚病供給之病若出于東方觀兵于東夷循海而

歸其可也申侯曰善濤塗以告齊侯許之申侯見

曰師老矣若出于東方而遇敵懼不可用也若出

于陳鄭之間共其資糧屣屣草屣其可也齊侯說與

之虎牢鄭執轅濤塗

穀梁傳齊人者齊侯也其人之何也于是哆然外齊侯



也不正其踰國而執也。

秋及江人黃人伐陳討不忠也

八月公至自伐楚

穀梁有二事耦。則以後事致。後事小。則以先事致。其

以伐楚致。大伐楚也。

葬許穆公

左傳許穆公卒于師。葬之以侯。禮也。凡諸侯薨于朝會。

加一等。死王事。加二等。于是有以袞斂。

冬十有二月。公孫茲帥師會齊人宋人衛人鄭人許

人曹人侵陳

霸國大夫會諸大夫。侵與國自此始。

胡傳楊子法言。或問為政有幾。曰。思斂。昔在周公征于

東方。四國是王。其思矣。夫齊桓公欲徑陳。陳不果

納。執轅濤塗。其斂矣。夫方楚人未帖。而齊以為憂


也。致勤于鄭。振中夏之威。會于陽穀。悼遠國之信。

按兵于陘。修文告之辭。退舍召陵。結會盟之禮。何

其念之深也。久假而不歸。惡知其非有惜乎。桓公

假之。不久而遽歸也。楚方受盟。志已驕溢。陳大夫

一謀不協。其身見執。其國見伐。見侵而怒。猶未怠



也桓德于是乎衰矣魏武纔得荊州而張松見忽
唐莊宗自矜取汴而高氏不朝成湯勝夏撫有萬
方乃曰茲朕未知獲戾于上下慄慄危懼若將隕
于深淵人之度量相越豈不遠哉春秋稱人以執
罪齊侯也

附錄

左傳

初晉獻公欲以驪姬為夫人卜之不吉筮之吉公
曰從筮卜人曰筮短龜長不如從長弗聽卜人舉
其繇曰詞兆專之渝攘公之瑜音俞美也專寵之一

薰一蕝十年尚猶有臭

香臭並處則香不勝臭猶善不勝惡

必不可

弗聽立之生奚齊其娣生卓子及將立奚齊既與

中大夫

克

成謀姬謂太子曰君夢齊姜

太子之母

必速

祭之太子祭于曲沃歸胙于公公田姬寘諸宮六

日公至毒而獻之公祭之地地墳

裂也

與犬犬斃與

小臣小臣亦斃姬泣曰賊由太子太子奔新城公

殺其傅杜原款或謂太子子辭君必辯焉太子曰

君非姬氏居不安食不飽我辭姬必有罪君老矣

吾又不樂曰子其行乎太子曰君實不察其罪被

春秋左傳通解

卷五

秦

此名也。以出人誰納我。十二月戊申，縊于新城。姬遂譖二公子曰：皆知之。重耳奔蒲，夷吾奔屈。

丙寅惠王二十二年五年

附錄

左傳

正月辛亥朔，日南至。

冬

公既視朔。

告

遂登觀臺以

望而書禮也。

書雲物

凡分至啟閉必書雲物為備故也。

春晉侯殺其世子申生

左傳

晉侯使以殺太子申生之故來告。初，晉侯使士蔿

為二公子築蒲與屈，不慎，寘薪焉。夷吾訴之，公使

讓之。士蔿稽首而對曰：臣聞之，無喪而感憂，必讐

焉。

讐對

無戎而城，讐必保焉。

召寇

寇讐之保，又何慎焉。

守官廢命，不敬。固讐之保，不忠。失忠與敬，何以事

君。詩云：懷德惟寧。宗子惟城。君其脩德而固。宗子

何城如之。三年將尋師焉。

言君將用師于蒲屈

焉。用慎退而

賦曰：狐裘尫茸。

亂貌

一國三公，吾誰適從。及難，公使

寺人披伐蒲。重耳曰：君父之命，不校。

不敢與校

乃徇曰：

校者，吾讐也。踰垣而走，披斬其袪，遂出奔翟。

春秋左傳通解

卷五 僖公

十四

秦

傳胡申生進不能自明退不能違難愛父以姑息而陷

之不義讒人得志幾至亡國先儒以為大仁之賊

也而目晉侯斥殺專罪獻公何也內寵竝后嬖子

配適亂之本也以此防民猶有以堯母名門使姦

臣逆探其意有危皇后太子之心以成巫蠱之禍

者前漢趙婕妤好有寵元始三年任身十四月生昭

帝上曰昔堯十四月乃生乃命其門曰堯母門

意在奇愛少子欲以為嗣戾太子傳衛后寵袁江

得桐木人太子急白皇后發兵斬充與丞相劉屈氂戰敗走皇后太子皆自殺

杞伯姬來朝其子穀梁婦人既嫁不踰竟踰竟非正也諸侯相見曰朝

伯姬為志乎朝其子也伯姬為志乎朝其子則是

杞伯失夫之道矣諸侯相見曰朝以待人父之道

待人之子非正也故曰杞伯姬來朝其子參譏也

譏伯姬杞伯魯侯

夏公孫茲如牟

公及齊侯宋公陳侯衛侯鄭伯許男曹伯會王世子

于首止

公羊曷為殊會王世子世子貴也世子猶世世子也

春秋四傳通解

卷五 僖公

十五

秦皇堂

公蒙之會

胡傳特書及以會者若曰王世子在是諸侯咸往會焉示不可得而抗也經書宰周公祇與主人同序于諸侯之上而不得與殊會同書此聖人尊君抑臣之旨也

附錄

左傳

陳轅宣仲清塗怨鄭申侯之反已于召陵故勸之城其賜邑虎牢曰美城之大名也子孫不忘吾助子請乃為之請于諸侯而城之美遂譖諸鄭伯曰美城其賜邑將以叛也申侯由是得罪為七年鄭殺申侯傳

秋八月諸侯盟于首止

穀梁傳

天子微諸侯不享觀桓控大國扶小國統諸侯不能以朝天子亦不敢致天王尊王世子于首戴乃所以尊天王之命也世子舍王命會齊桓亦所以尊天王之命也天子微諸侯不享觀世子受諸侯之尊已而天王尊矣世子受之可也書之重詞之復其中必有大美惡焉首止之盟美之大者也王將以愛易世子桓公有憂之控大國扶小國會于首止以定其位太子踐阼是為襄王

胡傳

一舉而父子君臣之道皆得焉。

鄭伯逃歸不盟

胡傳

事有惡者不與為幸。其善者不與為貶。平丘之盟。惡也。請魯無勤。是以為幸。故直書曰公不與盟。首止之盟。善也。犯眾不盟。是以為貶。故特書曰鄭伯逃歸。逃者匹夫之事。以諸侯之尊。下行匹夫之事。雖悔于終。病而乞盟。如所喪。何其書逃歸不盟。深貶之也。

國君而曰逃。賤之也。何賤乎。鄭伯以其背夏盟。

也。厥貉之會。麋子逃歸。不書。厲之役。鄭伯逃歸。不書。蓋逃楚也。若鄭文逃齊。陳哀逃晉。而後書。

春秋所以謹夷夏也。

楚人滅弦。弦子奔黃。

楚始滅中國

左傳楚鬬穀於菟滅弦。弦子奔黃。于是江黃道柏方睦于齊。皆弦姻也。弦子恃之而不事楚。又不設備。故亡。

九月戊申朔日有食之。

冬晉人執虞公。

春秋左傳卷五

僖公

十七

僖公

傳左 八月甲午、晉侯圍上陽。虢國所都問于卜偃曰、吾其濟

乎、對曰、克之。公曰、何時、對曰、童謠云、丙之辰、龍

尾伏辰。日月會于尾故尾星不見均服振振。戎事上下同服振振盛貌取虢

之旂、鷄之賁賁。火星之狀天策焯焯。傳說星近日星微故無光火中

成軍。鷄火正中軍有成功虢公其奔其九月十月之交乎。夏正

丙子旦日在尾、月在策、鷄火中、必是時也。冬十二

月丙子朔、晉滅虢、虢公醜奔京師、師還館于虞、遂

襲虞、滅之、執虞公及其大夫井伯、以媵秦穆姬、而

脩虞祀、且歸其職貢于王。故書曰、晉人執虞公、罪

虞、且言易也。

丁卯惠王二十三年六年

春王正月

夏公會齊侯、宋公、陳侯、衛侯、曹伯、伐鄭、圍新城。


秋、楚人圍許、諸侯遂救許。

傳左 楚子圍許以救鄭、諸侯救許、乃還。冬、蔡穆侯將許

僖公以見楚子于武城、許男面縛、銜璧、大夫衰經、

士輿櫬、楚子問諸逢伯。楚大夫對曰、昔武王克殷、

子啟如是、武王親釋其縛、受其璧而後之、焚其



禮而命之使復其所楚子從之

冬公至自伐鄭

胡傳齊自召陵之後兵服四夷威動諸夏今合六國之

師圍新造之邑空若振槁然圍而不舉有遺力者

矣及楚人圍許即解新城之圍移師救許是又得

討罪分災救急之義也故特書曰楚人圍許諸侯

遂救許凡書救者未有不善之也其曰遂救許善

之尤者也善之尤則何以致久也

戊辰惠王七年

春齊人伐鄭

夏小邾子來朝

自邾黎來為小邾子而天下無未命諸侯自晉處父為陽處父而天下無

未命大夫

鄭殺其大夫申侯

左傳夏鄭殺申侯以說于齊且用陳轅濤塗之譖也初

申侯申出也有寵于楚文王文王將死與之璧使

行曰唯我知女女專利而不厭子取子求不女疵

瑕也後之人將求多于女女必不免我死女必速

行無適小國將不女容焉既葬出奔鄭又有寵于

厲公子文聞其死也曰古人有言曰知臣莫若君弗可改也已

衣裳之會

秋七月公會齊侯宋公陳世子欵鄭世子華盟于甯母

左傳齊侯脩禮于諸侯諸侯官受方物周衰王貢不通至是諸侯官司

各受齊命貢方物也鄭伯使太子華聽命于會言于齊侯曰

洩氏孔氏子人氏三族實違君命若君去之以為

成我以鄭為內臣君亦無所不利焉華欲乘間篡國齊侯

將許之管仲曰君以禮與信屬諸侯而以姦終之

無乃不可乎夫諸侯之會其德刑禮義無國不記

記姦之位君盟替矣作而不記非盛德也君其勿

許鄭必受盟齊侯辭焉冬鄭伯請盟于齊

曹伯班卒

公子友如齊

冬葬曹昭公

巳巳惠王二八年

春王正月公會王人齊侯宋公衛侯許男曹伯陳世

子欵盟于洮鄭伯乞盟

兵車之會

春盟于洮謀王室也鄭伯乞盟請服也襄王定位

而後發喪

穀梁傳 王人之先諸侯何也貴王命也朝服雖敝必加

于上弁冕雖舊必加于首周室雖衰必先諸侯兵

車之會也鄭伯乞盟以向之逃歸乞之也乞者處

其所而請與也蓋洵之也

胡傳 春秋之法內臣以私事出朝者直書曰來以私好

出聘者不稱其使以私情出討者止錄其名不以

其貴故尊之也以王命行者雖下士之微序乎方

伯公侯之上不以其賤故輕之也

夏狄伐晉

秋七月禘于大廟用致夫人

左傳 秋禘而致哀姜焉非禮也凡夫人不薨于寢不殯

于廟不赴于同盟不祔于姑則弗致也


穀梁傳 言夫人必以其氏姓言夫人而不以氏姓非夫

人也立妾之辭也非正也夫人之我可以不夫人

之乎夫人卒葬之我可以不卒葬之乎一則以宗

廟臨之而後貶焉臣無貶君故于一則以外之弗

哀姜之說與後異



夫人而見正焉。秦人來歸成風之謎不言夫人

胡傳按禮大禘升歌清廟下而管象朱于玉戚以舞大

武八佾以舞大夏此天子之禮樂也。用者不宐用

也。致者不宐致也。夫人者風氏也。初成風聞季友

之繇遂事之而屬僖公焉。故季子立之。公賜季友

汶陽之田。及費。又生而命之氏。俾世其卿。而私門

強矣。于成風則舉大事于始祖之廟。立以為夫人

而嫡妾亂矣。以私勞寵其臣。而卑公室。以私恩崇

其母。而輕宗廟。皆越禮之罪也。經書夫人而不稱

姓氏其貶深矣。

冬十有二月丁未天王崩

庚午襄王元年九年

春王正月丁丑宋公御說卒

夏公會宰周公齊侯宋子衛侯鄭伯許男曹伯于葵

丘

左傳夏會于葵丘尋盟且脩好禮也。王使宰孔賜齊侯

胙曰天子有事于文武祭事使孔賜伯舅胙齊侯將

下拜孔曰且有後命。天子使孔曰以伯舅七十曰耄

衣裳之會

老加勞。賜一級。無下拜。對曰：天威不遠，顏咫尺。小白余敢貪天子之命，無下拜，恐隕越于下，以遺天子。羞敢不下拜。下拜登受。登堂受胙

胡傳其曰宰周公者，以冢宰兼三公也。古者三公無其人，則以六卿之有道者上兼師保之任。冢宰或闕，亦以三公下行端揆之職。禹自司空進宅百揆，又曰：作朕股肱耳目，是以宰臣上兼師保之任也。周公為師，又曰：位冢宰，正百工，是以三公下行端揆之職也。夫以冢宰兼三公，其職任重矣，而不殊會

之何也。人臣則有進退之節，出入均勞之義，非王世子貴有常尊之可比矣。

秋七月乙酉伯姬卒

九月戊辰諸侯盟于葵丘

左傳齊侯盟諸侯于葵丘，曰：凡我同盟之人，既盟之後，言歸于好。宰孔先歸，遇晉侯，曰：可無會也。齊侯不務德而勤遠略，故北伐山戎，南伐楚，西為此會也。東略之，不知西則否矣。其在亂乎？君務靖亂，暗指驪姬無勤于行。晉侯乃還。

春秋左傳卷五
公羊 桓之盟不日此何以日危之也何危爾貫澤之

會桓公有憂中國之心不召而至者江人黃人也
蔡丘之會桓公震而矜之叛者九國震之者何猶
曰振振然矜之者何猶曰莫若我也

甲子晉侯詭諸卒

左傳 九月晉獻公卒里克平鄭欲納文公故以三公子

之徒作亂申生重耳夷吾之黨初獻公使荀息傅奚齊公疾

召之曰以是藐諸姑辱在大夫其若之何稽首而
對曰臣竭其股肱之力加之以忠貞其濟君之靈

也不濟則以死繼之公曰何謂忠貞對曰公家之

利知無不為忠也送往事居耦俱無猜兩無遺恨貞也

及里克將殺奚齊先告荀息曰三怨將作秦晉輔

之子將何如荀息曰將死之里克曰無益也荀叔

曰吾與先君言矣不可以貳能欲復言而愛身乎

雖無益也將焉辟之且人之欲善誰不如我我欲

無貳而能謂人已乎言不能止克使不忠于申生等

冬晉里克殺其君之子奚齊

穀梁 其君之子云者國人不子也國人不子何也不

春秋左傳卷五 僖公 十四

春秋左傳通解

卷五

春秋左傳通解

正其殺世子申生而立之也。

胡傳

其為子而弗子者莫能使人弗之子也。非所子而

子之者莫能使人之亦子也。周幽王嘗黜太子宜

臼子伯服矣。而犬戎殺其身。晉獻公亦殺世子申

生立奚齊矣。而大臣殺其子。春秋書此以明獻公

之罪為後世戒。其義大矣。以此防民。猶有欲易太

子而立趙王如意。致夫人之為人。彘者漢高帝欲立趙王帝

崩太后酖趙王斷戚夫人手足使居廁中號曰人彘

附錄

左傳

晉卻芮使夷吾賂秦以求入。曰：人實有國，我何愛

焉。入而能民，土于何有？從之。齊隰朋帥師會秦師

納晉惠公。夷吾秦伯謂卻芮曰：公子誰恃？對曰：臣聞

亡人無黨，有黨必有讐。夷吾弱不好弄，能鬪不過

有節，長亦不改，不識其他。公謂公孫枝子曰夷吾

其定乎？對曰：臣聞之，唯則定國。今其言多忌克，難

哉。公曰：忌則多怨，又焉能克？是吾利也。

辛未襄王二年十年

春王正月公如齊魯始屈于大國朝齊之始

春秋左傳通解

卷五 僖公

三十五

春秋左傳通解

狄滅溫溫子奔衛

溫王畿地

晉里克弒其君卓

胡國人不君奚齊卓子而曰里克弒其君卓何也是

里克君之也克者世子申生之傅也驪姬將殺世

子而難里克使優施飲之酒而告之以其故里克

聽其謀乃欲以中立自免稱疾不朝居三旬而難

作是謂持祿容身速獻公殺適立庶之禍者故成

其君臣之名以正其弒逆之罪克雖欲辭而不受

其可得乎

及其大夫荀息

公羊傳獻公病將死謂荀息曰士何如則可謂之信矣

荀息對曰使死者反生者不愧乎其言則可謂

信矣獻公死奚齊立里克弒奚齊荀息立卓子

里克弒卓子荀息死之荀息可謂不食其言矣

夏齊侯許男伐北戎

晉殺其大夫里克

左傳夏四月周公忌父王子黨會齊隰朋立晉侯晉侯

殺里克以說將殺里克公使謂之曰微子則不及

此雖然子弑二君與一大夫為子君者不亦難乎
對曰不有廢也君何以興欲加之罪其無辭乎臣
聞命矣伏劍而死

公羊傳

晉之不言出入者踊為文公諱也

齊人語也齊小

白入于齊則曷為不為桓公諱桓公之享國也長
美見乎天下故不為之諱本惡也文公之享國也
短美未見乎天下故為之諱本惡也

秋七月

附錄

左傳

晉侯改葬其太子秋狐突適下國遇太子太子
使登僕而告之曰夷吾無禮余得請于帝矣將以

所云妖夢是踐

晉昇秦秦將祀余對曰臣聞之神不歆非類民不

祀非族君祀無乃殄乎且民何罪失刑乏祀君其

圖之君曰諾吾將復請七日新城曲沃西偏將有巫

者而見我焉許之遂不見及期而往告之曰帝許

我罰有罪矣敝于韓

冬大雨雪

壬申襄王三年十有一年

春秋左傳通解

卷五 僖公

七

春秋左傳通解

春晉殺其大夫平鄭父

夏公及夫人姜氏會齊侯于陽穀

胡傳襄陵許翰曰先乎陽穀之會為大雨雪後乎陽穀

之會為大雩見戒于天如此以公夫人陽穀之會觀之齊桓伯業怠矣故楚人伐黃不能救凡此之類屬詞比事直書于策而義自見者也

秋八月大雩

冬楚人伐黃

癸酉襄王四年十有二年

春王三月庚午日有食之

夏楚人滅黃

左傳黃人恃諸侯之睦于齊也不共楚職曰自郢及我

九百里焉能害我夏楚滅黃

穀梁傳貫之盟管仲曰江黃遠齊而近楚楚為利之國

也若伐而不能救則無以宗諸侯矣桓公不聽遂

與之盟管仲死楚伐江滅黃桓公不能救故君子

閔之也

胡傳春秋滅人之國其罪則一而見滅之君其例有三

春秋四傳通辭

僖公

天

春秋

以歸者既無歿難之節又無克復之志許斯頓牂
之類是也出奔者雖不歿于社稷有興復之望焉
弦子溫子之類是也若夫國滅歿于其位是得正
而斃焉者矣若江黃二國是也其書滅者見夷狄
之強罪諸夏之弱責方伯連帥之不脩其職使小
國賢君困于強暴不得其所公羊子所謂亡國之
善詞上下之同力者也

秋七月

附錄

左傳 冬齊侯使管夷吾平戎于王使隰朋平戎于晉王

以上卿之禮饗管仲管仲辭曰臣賤有司也有天
子之二守國高在若節春秋來承王命何以禮焉
陪臣敢辭王曰舅氏余嘉乃勲應乃懿德謂督不
忘往踐乃職無逆朕命管仲受下卿之禮而還君
子曰管仲之世祀也宜哉讓不忘其上

冬十有二月丁丑陳侯杵臼卒

甲戌襄王五年十有三年

春狄侵衛

春秋左傳通解 卷五 僖公 三

胡齊桓公為陽穀之會。楚人伐黃而救兵不起。然後狄人窺伺中國。今年侵衛。明年侵鄭。近在王都之側。淮夷亦來病杞而不忘也。

夏四月葬陳宣公

公會齊侯宋公陳侯衛侯鄭伯許男曹伯于鹹

左傳夏會于鹹。淮夷病杞。故且謀王室也。秋為戎難。故諸侯戍周。齊仲孫湫致之。

致戍卒于周

秋九月大雩

冬公子友如齊

二 兵車之會

附錄

左傳冬晉荐饑使乞糴于秦。秦伯謂百里與諸乎對曰。

天災流行國家代有救災恤鄰道也行道有福。平

鄭之子豹在秦請伐晉。秦伯曰其君是惡其民何

罪。秦于是乎輸粟于晉。自雍秦都及絳晉都相繼命之。

曰汎舟之役。

乙亥襄王六年十有四年

春諸侯城緣陵

胡齊桓公城三國。而書詞不同。城楚丘則沒諸侯而

春秋四傳通辭

卷五 僖公

二十

葬畢堂

不書城緣陵。則書諸侯而不序。城邢。則再序三國之師。何也。邢以自遷為文。故再列三師。美其得救。患分災之義。無封國之嫌也。淮夷病杞。諸侯會于鹹。城緣陵而遷杞焉。則其事專矣。故前目後凡。直書諸侯而不序也。衛為狄滅。東徙渡河。野處漕邑。桓公使公子無虧戍以甲士。歸其祭服乘馬。其事尤專。而春秋責之尤重。曰城楚丘而不書諸侯。正王法也。是故以功言之。則楚丘為大。以義言之。則城邢為美。

夏六月季姬及鄆子遇于防使鄆子來朝

胡傳季姬書字而未繫諸國其女而非婦亦明矣及者

內為志內女而外與諸侯遇譏魯也朝不言使言使非正鄆子國君而季姬使之朝病鄆也蓋魯公鍾愛其女使自擇配故得與鄆子遇于防而遂以季姬歸之爾

秋八月辛卯沙鹿崩

胡傳沙鹿晉地也卜偃曰期年必有大咎國幾亡詩稱百川沸騰山冢萃崩言西周之將亡也書沙鹿崩

于前書獲晉侯于後雖不指其事應而事應具存

狄侵鄭

冬蔡侯貜卒

丙子襄王七年十有五年

春王正月公如齊

楚人伐徐

伯事可知矣

兵中之會

三月公會齊侯宋公陳侯衛侯鄭伯許男曹伯盟于
牡丘遂次于匡

三桓之孟孫所始

公孫敖帥師及諸侯之大夫救徐

胡傳楚而舉兵伐徐憑陵之罪著矣徐在山東與齊密

邇非有餽糧越險之難也今書盟于牡丘見諸侯

救患之不協矣書次于匡見伯主號令之不嚴矣

書大夫帥師而諸侯不行見桓德益衰而禦夷狄

安中國之志怠矣

夏五月日有食之

秋七月齊師曹師伐厲

八月螽

九月公至自會

季姬歸于鄆

已卯晦震夷伯之廟魯大夫展氏之祖

冬宋人伐曹

楚人敗徐于婁林

十有一月壬戌晉侯及秦伯戰于韓獲晉侯

秦始見經

左傳晉侯之入也秦穆姬屬賈君焉穆姬嬴生姊賈君晉獻公次妃且

曰盡納羣公子晉侯烝于賈君又不納羣公子是

以穆姬怨之晉侯許賂中大夫里平既而皆背之

賂秦伯以河外列城五東盡虢略南及華山內乃

解梁城既而不與晉饑秦輸之粟秦饑晉閉之糶

故秦伯伐晉晉侯謂慶鄭曰寇深矣若之何對曰

君實深之可若何公曰不孫卜右慶鄭吉弗使步

揚御戎家僕徒為右乘小駟鄭入也鄭所獻馬慶鄭曰

古者大事必乘其產生其水土而知其人心安其

教訓而服習其道唯所納之無不如志今乘異產

以從戎事君必悔之弗聽九月晉侯逆秦師使韓

簡視師復曰師少于我鬪士倍我公曰何故對曰

出因其資入用其寵饑食其粟三施而無報是以

來也。今又擊之。我怠秦奮。倍猶未也。公曰：一夫不可狃。況國乎？遂使請戰。曰：寡人不佞，能合其眾而不能離也。君若不還，無所逃命。秦伯使公孫枝對曰：君之未入，寡人懼之。入而未定，列猶吾憂也。苟列定矣，敢不承命。韓簡退曰：吾幸而得囚。壬戌，戰于韓原。晉戎馬還，音侏泥也而止。公號慶鄭。慶鄭曰：懷諫違卜，固敗。是求又何逃焉？遂去之。梁由靡御韓簡，虢射為右，輅音迓秦伯將止之。鄭慶鄭以救公，誤之。遂失秦伯。秦獲晉侯，以歸。晉大夫反首拔舍從之。

退句踐臥晉韓簡晉人為國大反首

有不可此一段神

之。秦伯使辭焉，曰：二三子何其感也！寡人之從君而西也，亦晉之妖夢。是踐豈敢以至。晉大夫三拜稽首曰：君履后土而戴皇天，皇天后土實聞君之言。羣臣敢在下風。穆姬聞晉侯將至，以太子罃弘與女簡璧登臺而履薪焉。古之宮闈者皆居之臺，故登臺而薪之以薪左。右上下皆履薪乃得通。使以免服衰經逆，且告曰：上天降災，使我兩君匪以玉帛相見，而以興戎。若晉君朝以入，則婢子夕以歿；夕以入，則朝以歿。唯君裁之。乃舍諸靈臺。大夫請以入。公曰：獲晉侯以

厚歸也。既而喪歸。自恐殺姬焉用之。大夫其何有焉。且

晉人感憂以重我。天地以要我。不圖晉憂重其怒

也。我食吾言。背天地也。重怒難任。背天不祥。必歸

晉君。公子繫曰。不如殺之。無聚慝焉。子桑曰。歸之

而質其太子。必得大成。晉未可滅而殺其君。祇以

成惡。乃許晉平。晉侯使卻乞告取呂飴甥。且召之。

子金甥教之言曰。朝國人而以君命賞。且告之曰。

孤雖歸辱社稷矣。其卜貳圉也。貳代也。圉。眾皆哭。

晉于是乎作爰田。分公田之稅應入公。者爰易于所賞之眾。呂甥曰。君

亡之不恤。而羣臣是憂。惠之至也。將若君何。眾曰。

何為而可。對曰。征繕以輔孺子。諸侯聞之。喪君有

君。羣臣輯睦。甲兵益多。好我者勸。惡我者懼。庶有

益乎。眾說。晉于是乎作州兵。又使州長各繕甲兵。十月。晉陰

飴甥會秦伯盟于玉城。秦伯曰。晉國和乎。對曰。不

和。小人恥失其君。而悼喪其親。不憚征繕以立圉

也。曰。必報讐。寧事夷狄。君子愛其君。而知其罪。不

憚征繕以待秦命。曰。必報德。有死無二。以此不和。

秦伯曰。國謂君何。對曰。小人感謂之不免。君子恕。

以為必歸。小人曰：我毒秦，秦豈歸君？君子曰：我知罪矣。秦必歸君，貳而執之，服而舍之，德莫厚焉。刑威焉，服者懷德，貳者畏刑。此一役也，秦可以霸。納而不定，廢而不立，以德為怨，秦不其然。秦伯曰：是吾心也。改館晉侯，饋七牢焉。十一月，晉侯歸。丁丑，殺慶鄭而後入。是歲，晉又饑，秦伯又餼之粟。曰：吾怨其君而矜其民，且吾聞唐叔之封也，箕子曰：其後必大，晉其庸可，異乎！姑樹德焉，以待能者。于是秦始征晉河東。

晉始以河東之地與秦置官司焉。

丁丑襄王八年十有六年

春王正月戊申朔隕石于宋五

是月六鷁退飛過宋都

穀梁子曰：石無知之。物鷁微有知之。物石無知。故曰

之。鷁微有知之。物故月之君子之于物無所苟而已。石鷁且猶盡其辭而況于人乎。故五石六鷁之辭不設，則王道不亢矣。

不遺微細故王道可舉

胡傳宋襄公以亡國之餘欲圖伯業五石隕六鷁退飛

不自省其德也。後五年有孟之執，又明年有泓之

敗。

三月壬申公子季友卒

胡傳

大夫卒而書名則曷為稱字。聞諸師曰。春秋時魯。卿有生而賜氏者。季友仲遂是也。生而賜氏者何。命之為世卿也。季子忠賢在。僖公有翼戴之勤。襄仲弒逆。在宣公有援立之力。此二君者。不勝私情。欲以異賞報之也。

夏四月丙申鄆季姬卒

胡傳

記其卒則必記其葬。然而有不記者。此筆削之旨。

非可以例求者也。宋伯姬歿于義而不回。既書其葬。又載其諡。僖公鍾愛季姬。使自擇配。季姬恃愛而行。雖書其卒。因奪其葬。所以謹夫婦之道。明王教之始也。以此防民。猶有嫁殤立廟舉朝素衣親臨。祖載如魏明帝之厚其女者。魏太和六年幼女叔卒上痛甚追謚立廟葬于南陵取甄后從孫黃合葬欲自送葬陳羣諫曰下殤禮所不備况未朞月而為制服古未有此况親臨祖載乎上不聽

秋七月甲子公孫茲卒

冬十有二月公會齊侯宋公陳侯衛侯鄭伯許男邢

之會

侯曹伯于淮

戊寅襄王九年十有七年

春齊人徐人伐英氏

楚與國

夏滅項

公羊傳

孰滅之、齊滅之、曷為不言齊滅之、為桓公諱也、君子之惡惡也、疾始善善也、樂終桓公嘗有繼絕、存亡之功、故君子為之諱也。

胡傳

按左氏淮之會、公有諸侯之事、未歸而取項、齊人以為討而止公、然則滅項者魯也、二傳以為桓公

滅之孰信乎、考于經未有書外滅而不言國者如

齊師滅譚是也、亦未有書內取而直言魯者如取

鄆取邾取郟是也、由此知項為魯滅無疑矣。

秋夫人姜氏會齊侯于卞

九月公至自會

冬十有二月乙亥齊侯小白卒

左傳

齊侯之夫人三、王姬、徐嬴、蔡姬、皆無子、齊侯好內、多內寵、內嬖如夫人者六人、長衛姬生武孟、名無少衛姬生惠公、名元鄭姬生孝公、名昭葛嬴生昭公、名潘

密姬生懿公商人宋華子生公子雍公與管仲屬孝

公于宋襄公以為太子雍巫牙易有寵于衛共姬因

寺人貂以薦羞于公亦有寵公許之立武孟管仲

卒五公子皆求立冬十月乙亥齊桓公卒易牙入

與寺人貂因內寵以殺羣吏而立公子無虧孝公

奔宋十二月乙亥赴辛巳夜殯六十七日乃殯

已卯襄王十年十有八年

春王正月宋公曹伯衛人邾人伐齊納孝公也

夏師救齊

五月戊寅宋師及齊師戰于贏齊師敗績

狄救齊

胡傳書狄救齊者深著中國諸侯之罪也齊人受伐以

宋為主者曲在宋也或曰桓公管仲嘗屬孝公于

宋襄公以為世子矣則何以不可立乎曰不能制

命雖天王欲撫鄭伯以從楚春秋猶以大義裁之

而不與也桓公君臣乃欲以私愛亂長幼之節其

可哉獨不見宣王與仲山甫爭魯侯戲括之事其

後如之何也魯武公以括與戲見王王立戲仲山甫諫曰不可王卒立之武公卒魯人

殺之而立伯御宣王
伐魯諸侯從是不睦

秋八月丁亥葬齊桓公

昔齊桓公薨六子皆求立。死十一日。蟲出于戶。

記曰桓公之歿也。葬以楊門之扇。

冬邢人狄人伐衛

狄始
書人

胡傳伐衛所以救齊也。衛嘗亡滅。東徙渡河。無所控告。

齊桓公攘戎狄而封之。使衛國忘亡。誰之賜也。桓

公方沒。不念舊德。欲厚報之。遽伐其喪。亦太甚矣。

以直報怨。聖人之公也。以怨報怨。天下之私也。以

德報怨。寬身之仁也。以怨報德。刑戮之民也。

庚辰襄王十有九年

春王三月宋人執滕子嬰齊

夏六月宋公曹人邾人盟于曹南

鄆子會盟于邾

巴邾邾人執鄆子用之

左傳夏宋公使邾文公用鄆子于次。睢之社。欲以屬東

夷。水次有妖神。東夷皆社。祠之。蓋殺人而用祭。司馬子魚曰。古者六畜

不相為用。小事不用大牲。而況敢用人乎。祭祀以

為人也。民神之主也。用人其誰享之。齊桓公存三亡國。魯衛以屬諸侯。義士猶曰薄德。今一會而虐二國之君。滕又用諸淫昏之鬼。非周社故將以求霸。不亦難乎。得死為幸。

秋宋人圍曹。諸夏圍國始此

左傳討不服也。曹南之盟不脩地主之禮故也子魚言于宋公曰。文王

聞崇德亂而伐之。軍三旬而不降。退脩教而復伐之。因壘而降。今君德無乃猶有所闕。而以伐人。若之何。盍姑內省德乎。無闕而後動。

胡傳襄公不能內自省德而急于合諸侯。執嬰齊非霸

討不足以示威。盟曹南非同志。不足以示信。卒于兵敗身傷。欲速見小利之過也。漢景削七國而吳

楚叛。前漢晁錯請諸侯之過削其支郡後十餘日吳楚七國俱反以誅錯為名上乃斬錯東市

東都疾橫議而黨錮興。後漢桓靈間主荒政繆國命委于關寺故處士橫議

于是天子震怒。速捕黨人。自是唐文宗切于除姦。正直放廢。士類殲滅。國遂以亡。李訓鄭注專執

衛人伐邢。

注誅上亦憤崩。故曰無欲速無見小利。

亦好誣之
一證

春秋左傳通辭 卷五

秦皇堂

傳左 秋衛人伐邢以報菟圃之役于是衛大旱卜有事于山川不吉甯莊子曰昔周饑克殷而年豐今邢方無道諸侯無伯天其或者欲使衛討邢乎從之師興而雨

冬會陳人蔡人楚人鄭人盟于齊楚始與齊盟

傳胡 曷為內則沒公外則人諸侯與其大夫諱是盟也楚人之得與中國會盟自此始也莊公十年荆敗蔡師始見于經其後入蔡伐鄭皆以號舉夷狄之也僖公元年改而稱楚經亦書人于是乎浸強矣

然終桓公世皆止書人而不得與中國盟會者以齊脩伯業能制其強故也桓公既沒中國無伯鄭伯首朝于楚其後遂為此盟故春秋沒公人陳蔡諸侯而以鄭列其下蓋深罪之也又二年復盟于鹿上至會于孟遂執宋公以伐宋而楚于是乎大張矣聖人書此傷中國之衰莫能抗也

梁亡

傳左 梁亡不書其主自取之也初梁伯好土功亟城而弗處無民居處民罷而弗堪則曰某寇將至乃溝公宮

春秋左傳通辭

卷五 僖公

五

秦皇堂

曰秦將襲我民懼而潰秦遂取梁

公羊傳此未有伐者其言梁亡何自亡也其自亡奈何魚爛而亡也

辛巳襄王二十年

春新作南門

胡言新者有故也言作者創始也其曰南門者南非一門也庫門天子臯門雉門天子應門書新作南門譏用民力于所不當為也春秋凡用民力得其時制者猶書于策而況輕用于所不當為者乎然

僖公嘗脩泮宮復闕宮矣奚斯董其役史克頌其事而經不書者宮廟以事其祖考學校以教國之子弟二者為國之先務雖用民力不可廢也

夏郟子來朝

五月乙巳西宮災

公羊傳西宮者何小寢也小寢則曷為謂之西宮有西

宮則有東宮矣魯子曰以有西宮亦知諸侯之有三宮也禮夫人居中宮右媵居西宮左媵居東宮

鄭人入滑

春秋左傳通解 卷五 僖公

秋齊人狄人盟于邢

冬楚人伐隨

十年襄王二十有一年

春狄侵衛

宋人齊人楚人盟于鹿上

夏大旱

公欲焚巫尪音汪女巫上臧文仲曰非旱備也脩

城郭貶食省用務稽儉勸分有無此其務也巫尪

何為天欲殺之則如勿生若能為旱焚之滋甚公

意 災政同此

從之是歲也饑而不害

秋宋公楚子陳侯蔡侯鄭伯許男曹伯會于孟執宋

公以伐宋楚始稱爵

何以不言楚子執之分惡于諸侯也諸侯在會而

蠻夷執其會主故特列楚子于陳蔡之上而以同

執為文夫以楚之強豈能勝秦五國之眾何弱于

趙然澠池之會蘭相如一奮其氣威信敵國秦雖

虎狼猶不敢動澠池之會秦王請趙王鼓瑟趙王

相如曰五步之內臣請得以頸血濺大王矣秦下乃擊缶秦終不能加勝于趙况以五國

春秋左傳通解 卷五 僖公

之君而不能得志于荆楚乎。春秋為賢者諱，宋公見執，不少隱之，何也？宋公欲繼齊桓之烈，而與楚盟會，豈攘戎狄，尊王室之義乎？故人宋公于鹿上之盟，而孟之會，直書其事而不隱。

冬公伐邾

楚人使宓申來獻捷

公羊傳宋公與楚子期以乘車之會，公子目夷諫曰：楚

夷國也，強而無義，請君以兵車之會往。宋公曰：不可，吾與之約以乘車之會，自我為之，自我墮之，曰

不可，終以乘車之會往。楚人果伏兵車執宋公以

伐宋。宋公謂公子目夷曰：子歸守國矣。國子之國

也，吾不從子之言，以至乎此。公子目夷復曰：君雖

不言，國固臣之國也。于是歸，設守械而守國。楚

人謂宋人曰：子不與我國，吾將殺子君矣。宋人應

之曰：吾賴社稷之神靈，吾國已有君矣。楚人知雖

殺宋公，猶不得宋國。于是釋宋公。宋公釋乎執，走

之衛。公子目夷復曰：國為君守之，君曷為不入。然

後逆襄公歸。

後世祖此
術者甚多

十有二月癸丑公會諸侯盟于薄釋宋公

癸未襄王十四年二十有二年

春公會邾取須句

夏宋公衛侯許男滕子伐鄭

附錄

左傳初平王之東遷也辛有周大適伊川見被髮而祭

于野者曰不及百年此其戎乎其禮先亡矣秋秦

晉遷陸渾之戎于伊川○晉太子圉為質于秦將

逃歸謂嬴氏曰與子歸乎對曰子晉太子而辱于

秦子大夫

秦子之欲歸不亦宜乎寡君之使婢子侍執巾櫛

以固子也從子而歸棄君命也不敢從亦不敢言

遂逃歸

秋八月丁未及邾人戰于升陘刑音

左傳邾人以須句故出師公卑邾不設備而禦之臧文

仲曰國無小不可易也無備雖衆不可恃也君其

無謂邾小蠶蠱有毒而况國乎弗聽八月丁未公

及邾師戰于升陘我師敗績邾人獲公胄縣諸魚

門城

冬十有一月己巳朔宋公及楚人戰于泓宋師敗績

左傳

宋公及楚人戰于泓宋人既成列楚人未既濟司馬魚曰彼衆我寡及其未既濟也請擊之公曰不可既濟而未成列又以告公曰未可既陳而後擊之宋師敗績公傷股門官殲焉國人皆咎公公曰君子不重傷不禽二毛古之爲軍也不以阻隘也寡人雖亡國之餘不鼓不成列子魚曰君未知戰勅敵之人隘而不列天贊我也阻而鼓之不亦可乎猶有懼焉且今之勅者皆吾敵也雖及胡者獲

則取之何有于二毛明恥教戰求殺敵也傷未及死如何勿重若愛重傷則如勿傷愛其二毛則如服焉三軍以利用也金鼓以聲氣也利而用之阻隘可也聲盛致志鼓儵可也

儵巖未整陳也

附錄

左傳

丙子晨鄭文夫人芊氏楚姜氏齊勞楚子于柯澤楚子使師縉樂師示之俘馘君子曰非禮也婦人送迎不出門見兄弟不踰闕戎事不邇女器丁丑楚子入饗于鄭九獻庭實旅百加籩豆六品饗畢夜

出文芊送于軍取鄭二姬文芊二女以歸叔詹曰楚王其不没乎為禮卒于無別無別不可謂禮將何以没諸侯是以知其不遂伯也

甲午襄王二十有三年

春齊侯伐宋圍緜

胡傳宋襄公既敗于泓齊侯既無畏簡書之意又乘其

約而伐之此尤義之所不得為者也故書伐國而言圍邑以著其罪然則桓公伐鄭圍新城何以不為貶乎鄭與楚合憑陵中國桓公伐之攘夷狄也

宋與楚戰兵敗身傷齊侯伐之殘中夏也其事異矣美惡不嫌同詞

夏五月庚寅宋公茲父卒

秋楚人伐陳

附錄

左傳九月晉惠公卒懷公命無從亡人重耳期期而不至

無赦狐突之子毛及偃從重耳在秦弗召突不召子冬懷公執狐突曰子來則免對曰子之能仕父教之忠古之制也策名委質貳乃辟也今臣之子名在

狐父可配
陵母

重耳有年數矣。若又召之，教之貳也。父教子貳，何以事君？乃殺之。卜偃稱疾不出，曰：周書有之，乃大明服已，則不明而殺人，以逞不亦難乎？民不見德而惟戮，是聞其何後之有。

冬十有一月杞子卒

傳胡杜預以謂杞實稱伯而書曰子者，成公始行夷禮終其身故仲尼于其卒以文貶之。此說是也。魯桓篡弑，滕首朝之，貶而稱子，治其黨也。夷不亂華，成公變之，貶而稱子，存諸夏也。

附錄

傳左

晉公子重耳之及于難也，晉人伐諸蒲城。蒲城人欲戰，重耳不可，曰：保君父之命而享其生祿，于是乎得人。有人而拔，罪莫大焉。吾其奔也。遂奔狄。從者狐偃、趙衰、顛頡、魏武子、司空季子。狄人伐廐咎如，赤狄別種獲其二女，叔隗、季隗，納諸公子。公子取季隗，生伯儵。音疇叔劉以叔隗妻趙衰，生盾。將適齊，謂季隗曰：待吾二十五年不來而後嫁。對曰：我二十五年矣。又如是而嫁，則就木焉。請待子。處狄十二年。

以國語較之彼敏此簡

年而行過衛，衛文公不禮焉。出于五鹿，乞食于野人。野人與之塊。公子怒，欲鞭之。子犯曰：「天賜也，稽首受而載之。」及齊，齊桓公妻之，有馬二十乘。公子安之。從者以為不可，將行，謀于桑下。蠶妾在其上，以告姜氏。姜氏殺之，而謂公子曰：「子有四方之志，其聞之者，吾殺之矣。」公子曰：「無之。」姜曰：「行也，懷與安，實敗名。公子不可。」姜與子犯謀醉而遣之。醒以戈逐子犯。及曹，曹共公聞其駢脅，欲觀其裸，浴薄而觀之。僖負羈曹大夫之妻曰：「吾觀晉公子之從者，

皆足以相國。若以相夫子，必反其國。反其國，必得志于諸侯。得志于諸侯，而誅無禮。曹其首也。子盍蚤自貳焉。乃饋盤飧，寘璧焉。公子受飧，反璧。及宋，宋襄公贈之以馬二十乘。及鄭，鄭文公亦不禮焉。叔詹諫曰：「臣聞天之所啟人，弗及也。晉公子有三焉：天其或者將建諸君，其禮焉。男女同姓，其生不蕃。晉公子姬出也，而至于今，一也。離外之患，而不靖晉國，殆將啟之，二也。有三士足以上人，狐偃、趙衰而從之，三也。晉鄭同儕，其過子弟，固將禮焉。況

天之所啟乎弗聽。及楚，楚子饗之，曰：「公子若反晉國，則何以報不穀？」對曰：「子女玉帛，則君有之；羽毛齒革，則君地生焉。其波及晉國者，君之餘也。其何以報？」君曰：「雖然，何以報我？」對曰：「若以君之靈，得反晉國，晉楚治兵，遇于中原，其辟君三舍。若不獲命，其左執鞭弭，右屬橐鞬，以與君周旋。」子玉請殺之。楚子曰：「晉公子廣而儉，文而有禮，其從者肅而寬，忠而能力。晉侯無親，惠公外內惡之。吾聞姬姓，唐叔之後，其後衰者也。其將由晉公子乎？天將興之，誰能廢之？違天必有大咎，乃送諸秦。秦伯納女五人，懷嬴與焉。即子圉妻奉匭沃盥，既而揮之。怒曰：「秦晉匹也，何以卑我？」公子懼，降服而囚。他日，公享之。子犯曰：「吾不如衰之文也。」請使衰從。公子賦《河水》，公賦《六月》。趙衰曰：「重耳拜賜，公子降拜稽首，公降一級而辭焉。」衰曰：「君稱所以佐天子者，命重耳，重耳敢不拜。」

能廢之。違天必有大咎，乃送諸秦。秦伯納女五人，

懷嬴與焉。即子圉妻奉匭沃盥，既而揮之。怒曰：「秦晉匹

也，何以卑我？」公子懼，降服而囚。他日，公享之。子犯

曰：「吾不如衰之文也。」請使衰從。公子賦《河水》，公賦

《六月》。趙衰曰：「重耳拜賜，公子降拜稽首，公降一級

而辭焉。」衰曰：「君稱所以佐天子者，命重耳，重耳敢

不拜。」

乙酉襄王二十有四年

春王正月

附錄

傳左

春王正月、秦伯納之、不書、不告、入也、及河、子犯以
 璧授公子曰、臣負羈紼、羈馬絡從君巡于天下、臣
 之罪甚多矣、臣猶知之、而況君乎、請由此亡、公子
 曰、所不與舅氏同心者、有如白水、投其璧于河、濟
 河、圍令狐、入桑泉、取曰衰、皆晉邑二月、甲午、晉師軍
 于廬柳、懷公遣軍距重耳秦伯使公子繫如晉師、師退、軍
 于郇、晉地辛丑、狐偃及秦晉之大夫盟于郇、壬寅、
 公子入于晉師、丙午、入于曲沃、丁未、朝于武宮、廟祖

此處
 公奔
 五字
 同較

戊申、使殺懷公于高粱、不書、亦不告也、○呂卻畏、
 偪、呂甥卻芮、惠公舊臣、懼為文公所害將焚公宮而弑晉侯、寺人披
 請見、公使讓之、且辭焉、曰、蒲城之役、君命一宿、女
 即至、其後余從狄君、以田渭濱、女為惠公來求殺
 余、命女三宿、女中宿至、雖有君命、何其速也、夫祛
 猶在、女其行乎、對曰、臣謂君之入也、其知之矣、若
 猶未也、又將及難、君命無二、古之制也、除君之惡、
 唯力是視、蒲人狄人、余何有焉、今君即位、其無蒲
 狄乎、齊桓公置射鉤、而使管仲相、君若易之、何辱

春秋左傳卷五 僖公 五

命焉。行者甚衆，豈唯刑臣？刑餘之臣公見之，以難告三

月。晉侯潛會秦伯于王城，己丑晦，公宮火，瑕甥、郤

芮不獲公，乃如河上。秦伯誘而殺之，晉侯逆夫人

嬴氏以歸。嬴文秦伯送衛于晉三千人，實紀綱之僕。

○初，晉侯之豎頭須，守藏者也。其出也，竊藏以逃，

盡用以求納之。求納文公及入，求見，公辭焉。以沐，謂僕

人曰：沐則心覆，心覆則圖反。宜吾不得見也。居者

為社稷之守，行者為羈縻之僕，其亦可也。何必罪

居者？國君而讎匹夫，懼者甚衆矣。僕人以告，公遽

見之。○晉侯賞從亡者，介之推不言祿，祿亦弗及。

推曰：獻公之子九人，唯君在矣。惠懷無親，外內棄

之。天未絕晉，必將有主。主晉祀者，非君而誰？天實

置之，而二三子以為己力，不亦誣乎？竊人之財，猶

謂之盜，況貪天之功，以為己力乎？下義其罪，上賞

其姦，上下相蒙，難與處矣。遂隱而歿。晉侯求之不

獲，以綿上為之田，曰：以志吾過，且旌善人。

夏狄伐鄭

鄭公子士洩堵俞彌帥師伐滑，王使伯服游孫伯

如鄭請滑鄭伯怨惠王之入而不與厲公爵也莊

二十一年又怨襄王之與衛滑也助衛請滑故不聽王命而

執二子王怒將以狄伐鄭富辰諫曰不可臣聞之

太上也德撫民其次親親以相及也昔周公弔二

叔之不咸夏商二代之叔世疏其親故封建親戚

以蕃屏周管蔡邲霍魯衛毛聃郟雍曹滕畢原鄆

郇文之昭也邗晉應韓武之穆也凡蔣邢茅胙祭

周公之胤也召穆公思周德之不類厲王時周德衰故糾

合宗族于成周而作詩曰常棣之華鄂不韡韡音偉

凡今之人莫如兄弟其四章曰兄弟鬩于牆外禦

其侮如是則兄弟雖有小忿不廢懿親今天子不

忍小忿以棄鄭親其若之何王弗聽使頹叔桃子

出狄師夏狄伐鄭取櫟王德狄人將以其女為后

富辰諫曰不可臣聞之曰報者倦矣施者未厭狄

固貪恠王又啟之女德無極婦怨無終狄必為患

王又弗聽秋頹叔桃子奉太叔以狄師伐周大敗

周師

秋七月

冬天王出居于鄭

胡傳自周無出。特書曰出者。言其自取之也。夫鄭伯不

王固有罪矣。襄王棄德崇姦。遂出狄師。是用夷制

夏如木之植。拔其本也。唐資突厥之力以伐隋。而

世有戎狄之禍。見唐書劉文靜傳晉藉契丹之力以取唐

而卒有播遷之辱。見五代史晉紀許翰以謂不講于春秋

戒襄王之所以出其言信矣。

晉侯夷吾卒

丙戌襄王二十有五年

春王正月丙午衛侯燬滅邢

胡傳衛侯何以名。滅同姓也。春秋之法。諸侯不生名。滅

同姓則名。然則晉滅虞。楚滅夔。亦同姓也。曷為不

名。曰諸侯滅同姓則名。其常也。有名有不名。例之

變也。邢雖與狄伐衛。而經無譏文者。為能救齊也。

衛人曾不反思而遷怒于邢。又遣禮至昆弟。往佳

焉。誘其守而殺之于外。與虞公貪璧馬以易鄰國

及其身者。其情異矣。春秋原情定罪。而衛燬獨名。

蓋輕重之權衡也。若荆楚則僭號稱王。聖人比諸

夷狄于滅夔乎何誅

夏四月癸酉衛侯燬卒

宋蕩伯姬來逆婦

宋殺其大夫

附錄

左傳

秦伯師于河上將納王狐偃言于晉侯曰求諸侯莫如勤王諸侯信之且大義也繼文之業晉文侯輔平王而信宣于諸侯今為可矣使卜偃卜之曰吉遇黃帝戰于阪泉之兆公曰吾不堪也對曰周禮未改

今之王古之帝也公曰筮之筮之遇大有乾下之

睽兌下離上曰吉遇公用享于天子之卦也戰克而王

享吉孰大焉晉侯辭秦師而下三月甲辰次于陽

樊右師圍溫左師逆王○夏四月丁巳王入于王

城取大叔于溫殺之于隰城戊午晉侯朝王王饗

醴命之宥加之幣帛以宥助其歡請隧弗許曰王章也未有

代德而有二王亦叔父之所惡也與之陽樊溫原

攢茅之田晉于是始啟南陽四邑在晉山南河北陽樊不服

圍之倉葛呼曰德以柔中國刑以威四夷空吾不

論節與管
敬仲反

敢服也。此誰非王之親姻。其辱之也。乃出其民。

秋楚人圍陳納頓子于頓

葬衛文公

冬十有二月癸亥公會衛子莒慶盟于洮

丁亥襄王十八年二十有六年

春王正月己未公會莒子衛甯速盟于向

齊人侵我西鄙公追齊師至鄆弗及

胡傳書人書侵書師罪齊也。書追書至鄆弗及罪魯也。

潛師入境曰侵。少則稱人。衆則稱師。前書齊人是

見其弱以誘魯也。後書齊師是伏其衆以邀魯也。

其為諼明矣。凡書追者在境內則譏其不預。追我

于濟西是也在境外則譏其深入。追齊師至鄆是

也。鄰者齊地。至者言遠也。弗者遷辭也。有畏而弗

敢及之也。齊魯皆私憤之兵而非正也。故交譏之。

夏齊人伐我北鄙

衛人伐齊

左傳夏齊孝公伐我北鄙。衛人伐齊。洮之盟故也。公使

展喜犒師。使受命于展禽。齊侯未入境。展喜從之。

曰寡君聞君親舉玉趾將辱于敝邑使下臣犒執事齊侯曰魯人恐乎對曰小人恐矣君子則否齊侯曰室如縣罄野無青草何恃而不恐對曰恃先王之命昔周公太公股肱周室夾輔成王成王勞之而賜之盟曰世世子孫無相害也載在盟府太師職之桓公是以糾合諸侯而謀其不協彌縫其闕而匡救其災昭舊職也及君即位諸侯之望曰其率桓之功我敝邑用不敢保聚曰豈其嗣世九年而棄命廢職其若先君何君必不然恃此以不

恐齊侯乃還

公子遂如楚乞師

書乞師始此

中國屈于夷狄矣

秋楚人滅夔以夔子歸

胡傳

夔子不祀祝融與鬻熊

祝融高辛氏之火正楚之遠祖也鬻熊祝融十二世

孫

楚人讓之對曰我先君熊摯有疾鬼神弗赦自竄于夔是以失楚又何祀焉諸侯之祀無過其祖者而夔祖熊摯是不得祀祝融與鬻熊也而楚反以是滅之非其罪矣故特存其爵而不名也然則楚滅同姓何以不名人而不名春秋待夷狄之體

魯祖周公不敢祀公劉衛祖康叔不敢祀后稷

也。

冬楚人伐宋圍緡

宋背楚即晉楚伐而圍見夷狄之橫也

公以楚師伐齊取穀

公至自伐齊

戊子襄王二十有七年

春杞子來朝

夏六月庚寅齊侯昭卒

秋八月乙未葬齊孝公

乙巳公子遂帥師入杞

冬楚人陳侯蔡侯鄭伯許男圍宋

左傳

楚子將圍宋使子文治兵于睢

楚邑

終朝而畢不戮

一人

子文欲委重于子玉故略其事

子玉復治兵于蔿終日而畢

鞭七人貫三人耳國老皆賀子文子文飲之酒蔿

賈尚幼後至不賀

蔿蔿即伯贏孫叔敖父

子文問之對曰不

知所賀子之傳政于子玉曰以靖國也靖諸內而

敗諸外所獲幾何子玉之敗子之舉也舉以敗國

將何賀焉子玉剛而無禮不可以治民過三百乘

其不能以入矣苟入而賀何後之有冬楚子及諸

侯圍宋。宋公孫固如晉告急。先軫曰：報施救患，取威定霸，于是乎在矣。狐偃曰：楚始得曹而新昏于衛，若伐曹，衛必救之，則齊宋免矣。于是乎蒐于被廬。晉地作三軍，謀元帥。趙衰曰：卻縠可。臣亟聞其言矣。說禮樂而敦詩書。

十有二月甲戌公會諸侯盟于宋。

已丑襄王二十年二十有八年

春晉侯侵曹，晉侯伐衛。

晉侯出亡曹衛不禮故侵伐之譏復怨也

公羊曷為再言晉侯非兩之也。然則何以不言遂。未

晉侯始圖自此至凡五晉侯子晉以伯也

侵曹也。未侵曹則其言侵曹何致。其意也。其意侵曹則曷為伐衛。晉侯將侵曹，假塗于衛。衛曰：不可得，則固將伐之也。

公子買戍衛，不卒戍，刺之。

楚人救衛。深譏晉也

而不正

三月丙午，晉侯入曹，執曹伯，畀宋人。

左傳晉侯圍曹，門焉，多歿。曹人尸諸城上，晉侯患之，聽

與人之謀，曰：稱舍于墓。為將發塚師遷焉。曹人兇懼，為其所得者棺而出之，因其兇也而攻之。三月丙午

春秋左傳通解 卷五 僖公 秦屋堂

入曹數之以其不用僖負羈而乘軒者三百人也且曰獻狀令無入僖負羈之宮而免其族報施也

胡傳古者觀文匿武脩其訓典序成而不至于是乎有

攻伐之兵曹伯羸者未狎晉政莫知所承晉文不

脩詞令遽入其國既執其君又分其田暴矣欲致

楚師與之戰而以曹伯昇宋人譎矣雖一戰勝楚

遂主夏盟舉動不中于禮亦多矣徒亂人上下之

分無君臣之禮其功雖多道不足尚也

夏四月己巳晉侯齊師宋師秦師及楚人戰于城濮

楚師敗績

左傳子玉使宛春告于晉師曰請復衛侯而封曹臣亦

釋宋之圍子犯曰子玉無禮哉君取一釋宋臣取

二欲復曹衛不可失矣先軫曰子與之定人之謂禮楚

一言而定三國我一言而亡之我則無禮何以戰

乎不許楚言是棄宋也救而棄之謂諸侯何楚有

三施我有三怨怨讐已多將何以戰不如私許復

曹衛以攜之執宛春以怒楚既戰而後圖之公說

乃拘宛春于衛且私許復曹衛曹衛告絕于楚子

春秋左傳通解 卷五 僖公 空

玉怒從晉師晉侯宋公齊國歸父崔夭齊大夫秦小子憖秦穆公子次于城濮楚師背鄢而舍晉侯患之聽與人之誦曰原田每每舍其舊而新是謀公疑焉子犯曰戰也戰而捷必得諸侯若其不捷表裏山河必無害也公曰若楚惠何欒貞子欒枝曰漢陽諸姬楚實盡之思小惠而忘大恥不如戰也子玉使鬬勃請戰曰請與君之士戲君馮軾而觀之得臣與寓目焉晉侯使欒枝對曰寡君聞命矣楚君之惠未之敢忘是在此為大夫退其敢當君乎既

知大
字有收

不獲命矣敢煩大夫謂二三子戒爾車乘敬爾君事詰朝將見晉車七百乘五萬二千鞶鞞鞅鞞在背曰鞶在背曰鞞在腹曰鞅五百人晉侯登有莘之虛以觀師曰少長有禮其可用也遂伐其木以益其兵已巳晉師陳于莘北晉臣以下軍之佐當陳蔡子玉以若敖之六卒將中軍曰今日必無晉矣子西將左子上將右晉臣蒙馬以虎皮先犯陳蔡陳蔡奔楚右師潰陳蔡屬狐毛設二旆而退之建二大旗而退示却欒枝使輿曳柴而偽遁曳柴起塵詐為眾走楚師馳之原軫

御、漆、以、中、軍、公、族、橫、擊、之、狐、毛、狐、偃、以、上、軍、夾、攻、
 子、西、楚、左、師、潰、楚、師、敗、績、子、玉、收、其、卒、而、止、故、不、
 敗、晉、師、三、日、館、穀、食楚軍穀及、癸、酉、而、還、
胡傳荆、楚、恃、強、憑、陵、諸、夏、滅、黃、而、霸、上、不、能、恤、敗、徐、于、
 婁、林、而、諸、大、夫、不、能、救、執、中、國、盟、主、而、在、會、者、不、
 敢、與、之、爭、今、又、戍、穀、迎、齊、合、兵、圍、宋、戰、勝、中、國、威、
 動、天、下、非、有、城、濮、之、敗、則、民、其、被、髮、左、衽、矣、
 楚、殺、其、大、夫、得、臣、楚始書大夫
 衛、侯、出、奔、楚、

胡傳高、帝、一、封、雍、齒、而、功、臣、不、競、漢諸將沙上偶語謀反張良勸封雍齒人
人自堅世、祖、燒、棄、文、書、而、反、側、悉、安、光武拔邯鄲城誅王郎得吏民
與郎交關誦毀者數千章光武使、文、公、釋、怨、許、衛、
會諸將燒之令反側子自安結、盟、南、向、諸、侯、棄、楚、而、歸、晉、矣、忿、不、思、難、惟、怨、是、
 圖、必、使、衛、侯、竄、身、無、所、奔、于、荆、蠻、歸、于、京、師、兄、弟、
 相、殘、君、臣、交、訟、誰、之、咎、也、
 五、月、癸、丑、公、會、晉、侯、齊、侯、宋、公、蔡、侯、鄭、伯、衛、子、莒、子、
 盟、于、踐、土、
左傳五、月、丙、午、晉、侯、及、鄭、伯、盟、于、衡、雍、丁、未、獻、楚、俘、于、



王駟介百乘徒兵千鄭伯傅王用平禮也。以平王享晉文
侯之禮 已酉王享醴命晉侯宥王命尹氏及王子
 虎內史叔與父策命晉侯為侯伯賜之大輅之服
 戎輅之服彤弓一彤矢百茲弓矢千。茲音盧 黑色
 一占虎賁三百人曰王謂叔父敬服王命以綏四
 國糾逃王慝晉侯三辭從命曰重耳敢再拜稽首
 奉揚天子之丕顯休命受策以出出入三覲
 踐土之會天王下勞晉侯削而不書何也周室東
 遷所存者號與祭耳其實不及一小國之諸侯晉

胡傳

文之爵。雖曰侯伯而號令天下。幾于改物。實行天
 子之事。此春秋之名實也。是故天王下勞晉侯于
 踐土。則削而不書。去其實以全名。晉侯以臣召君。
 則書天王狩于河陽。正其名以統實。

陳侯如會

公朝于王所

書朝王始此

胡傳 朝不言所言所非其所也。朝于廟禮也。于外非禮
 也。有虞氏五載一巡狩。羣后四朝。周制十有二年。
 王乃時巡。諸侯各朝于方嶽。亦何必于京師于廟。

然後為禮乎。古者天子巡狩于四方，有常時。諸侯朝于方嶽，有常所。今天王下勞，晉侯公朝于王所，則非其時與地矣。然則天子在是，其可以不朝乎。天子在是，而諸侯就朝，禮之變也。春秋不以諸侯就朝為非，而以王所非其所為，貶正其本之意也。六月，衛侯鄭自楚復歸于衛。衛元咺出奔晉。衛侯失國，出奔則不名。復歸得國，何以名。殺叔武也。叔武者，衛侯之弟也。晉文公有憾于衛侯，而不釋怨，于是逐衛侯，立叔武。叔武辭立，而他人立，則

恐衛侯之不得反也。于是已立乎其位，治反衛侯。衛侯得反而疑其弟，則曰：叔武篡我。元咺爭之曰：叔武無罪。衛侯不信其言，終殺叔武。是不念鞠子哀，而以爭國為心。此其所以名也。元咺由是走之晉，而訟其君。陳侯款卒。

狄杞伯姬來

謝過求平

公子遂如齊

始平于齊也

冬公會晉侯、齊侯、宋公、蔡侯、鄭伯、陳子、莒子、邾子、秦

人于溫

秦與中國會始此。討不服也。

天王狩于河陽

左傳

是會也。晉侯召王以諸侯見。使王狩。仲尼曰。以

臣召君。不可以訓。故書曰。天王狩于河陽。

胡傳

啖助謂以常禮言之。晉侯召君。名義之罪人也。其

可訓乎。若原其自嫌之心。嘉其尊王之意。則請王之狩。忠亦至焉。故夫子特書狩于河陽。所謂原情為制。以誠變禮者也。

壬申公朝于王所

晉人執衛侯歸之于京師

左傳

衛侯與元咺訟。甯武子為輔。鍼莊子為坐。士榮為

大士。

臣不安與君對坐。故使莊子代衛君。坐。又使武子相士榮為獄官。質正之。

衛侯不

勝。

三子辭。屈殺士榮。則鍼莊子謂甯俞。忠而免之。執衛

侯歸之于京師。寘諸深室。甯子職納橐。臚焉。

以臚粥置

橐中轉。逝獄中。

衛元咺自晉復歸于衛

胡傳

其言歸之于者。執不以正之詞也。古者君臣無獄。

諸侯不專殺。為臣執君。故衛侯不名。而元咺稱復。

春秋四傳通圖 卷五 秦皇堂

大夫不世其稱復絕之也。
諸侯踐土許皆不往會
諸侯圍之討不臣也

曹伯襄復歸于曹遂會諸侯圍許

庚寅襄王二十有九年

春介葛盧來

公至自圍許

夏六月會王人晉人宋人齊人陳人蔡人秦人盟于

翟泉

左傳盟于翟泉尋踐土之盟且謀伐鄭也卿不書罪之

也在禮卿不會公侯會伯子男可也

秋大雨雹

胡傳凡陰氣凝聚陽在內者不得出則奮擊而為雷霆

陽在外者不得入則周旋不舍而為風和而散則

為霜雪雨露不和而散則為戾氣曠霾陰常散緩

受交于陽則風雨調寒暑正雹者戾氣也陰脅陽

臣侵君之象當是時僖公即位日久季氏世卿公

子遂專權政在大夫萌于此矣

冬介葛盧來

春秋四傳通粹 卷五 僖公 奎

左傳以未見公故復來朝禮之加燕好燕燕禮好好貨介葛盧

聞牛鳴曰是生三犧皆用之矣其音云問之而信

辛卯襄王二十二年三十年

春王正月

夏狄侵齊

左傳晉人侵鄭以觀其可攻與否狄間晉之有鄭虞也

夏狄侵齊

秋衛殺其大夫元咺

左傳晉侯使醫衍酖衛侯甯俞貨醫使薄其酖不歿公

為之請納玉于王與晉侯皆十穀王許之秋乃釋

衛侯

胡傳元咺訟君為惡君歸則已出君出則已歸無人臣

之禮信有罪矣則稱國以殺而不去其官何也君


與大夫專殺之也衛侯在外其稱國以殺何也穀

梁子曰待其殺而後入也

及公子瑕

胡傳公子瑕未聞有罪而殺之何也元咺立以為君故

衛侯忌而殺之也然不與衛剽同者是瑕能拒咺



辭其位而不立也。不與陳佗同者，是瑕能守節，不為國人之所惡也。故經以公子冠瑕而稱及。

衛侯鄭歸于衛

胡傳

衛侯出奔于楚，則不名。見執于晉，則不名。今既歸國，復有其土地矣。何以反名之乎？末世隆怨，薄恩。有國家者，恐公族之軋已，至網羅誅殺，無以芘其本根。而社稷傾覆，如六朝者，衆矣。衛侯始歸而殺叔武，再歸而及公子瑕，是葛藟之不若。而春秋之所惡也。

感語曰文公誅觀狀以伐鄭

晉人秦人圍鄭

秦晉之怨自此始

左傳

九月甲午，晉侯秦伯圍鄭，以其無禮于晉，且貳于楚也。晉軍函陵，秦軍汜南。佚之狐言于鄭伯曰：「國危矣，若使燭之武見秦君，師必退。」公從之。辭曰：「臣之壯也，猶不如人，今老矣，無能為也。」公曰：「吾不能早用子，今急而求子，是寡人之過也。然鄭亡，子亦有不利焉。」許之。夜缒而出。見秦伯曰：「秦晉圍鄭，鄭既知亡矣。若亡鄭而有益于君，敢以煩執事。越國以鄙遠，君知其難也。焉用亡鄭以陪鄰？鄰

之厚君之薄也。若舍鄭以爲東道主，行李之往來，共其乏困，君亦無所害。且君嘗爲晉君賜矣，許君焦瑕，邑晉朝濟而夕設版焉。君之所知也。夫晉何厭之有？既東封鄭，又欲肆其西封，若不闕秦，將焉取之？闕秦以利晉，惟君圖之。秦伯說，與鄭人盟，使杞子、逢孫、楊孫戍之。乃還。子犯請擊之，公曰：「不可。微夫人之力不及此。因人之力而敝之，不仁。失其所與，不智。以亂易整，不武。吾其還也。」亦去之。

介人侵蕭 宋附庸國

冬，天王使宰周公來聘。

公子遂如京師 此聘周之始 遂如晉 此聘晉之始

胡傳 大夫出疆，有以二事出者，有以一事出而專繼事者，其書皆曰「遂」。公子遂如周及晉，與祭公自魯逆。

王后皆所謂以二事出者也。公子結往媵而及齊，宋盟則專繼事者也是非得失，則存乎其事矣。豕宰上兼三公而來聘于魯，魯侯既不朝京師而使公子遂往，又以二事出夷周室于列國，此大不恭之罪，春秋之所誅也。



壬辰襄王三十有一年

春取濟西田

胡傳晉侯執曹伯班其所侵地于諸侯不繫國者吾故

田也復吾故田而謂之取何也春秋之法不以亂易亂

公子遂如晉

拜曹田也

夏四月四卜郊

公羊傳三卜禮也四卜非禮也求吉之道三禘嘗不卜

郊何以卜卜郊非禮也卜郊何以非禮魯郊非禮

大典不問卜

也。天子祭天。諸侯祭土。天子有方望之事無所不

通方望謂郊時所望祭四方羣神日月星辰風伯

故曰無諸侯山川有不在其封內者則不祭也

胡傳記禮者曰祭帝于郊所以定天位也禮行于郊而

百神受職焉魯諸侯何以有郊成王以周公有大

勳勞于天下命魯公世世祀周公以天子之禮樂

是故魯君孟春乘大輅載弧韜音獨旂十有二旒日

月之章祀帝于郊配以稷天子之禮也弧旌旗所以張

幅也其衣曰韜天子旌旗畫日月是成王過賜而魯公伯禽受之

禮記謂侯
也
不在
有兩居之
禮記
禮記

非也。聖人于春秋欲削而不存，則無以志其失。悉書之乎？則歲事之常有，不勝書者。是故因禮之變而書于策，或以卜，或以時，或以望，或以牲，或以牛，于變之中，又有變焉者，悉書其事，而謂言偃曰：魯之郊禘，非禮也。周公其衰矣。杞之郊也，禹也。宋之郊也，契也。是天子之事，守也是故。庶人之不得祭，五祀大夫之不得祭社稷，諸侯之不得祭天地，非故為等衰，不易之理也。

不從乃免牲

免猶縱也

洪範曰龜
從筮逆作
內吉

穀梁傳：免牲者為之緇衣熏裳，有司玄端奉送至于南

郊。免牛亦然。

胡傳：古者大事決于卜，故洪範稽疑獨以龜為主，卜而

不從，則不郊矣。故免牲。

猶三望

左傳：望郊之細也，不郊亦無望可也。

公羊傳：三望者何？望祭也。然則曷祭？祭泰山河海，曷為

祭泰山河海？山川有能潤于百里者，天子秩而祭之，觸石而出，膚寸而合，不崇朝而徧雨乎天下者。

周官四望
蓋皇四方
今魯三望
蓋太山在
西海在東
河在北故
也

唯泰山爾河海潤于千里。
望祭也。有虞氏受終而望，因于類，巡守而望，因于柴。皆天子之事也。今魯不郊而望，故特書曰猶猶者，可以已之詞。其言三望，何也？天子有友，望無所不通。諸侯非名山大川在其封內者，則不祭。魯得用重禮，視王室，則殺故望，止于三。比諸侯，則隆。故河海雖不在其封而亦祭。

秋七月

冬杞伯姬來求婦

胡傳婦人不可預國事。王后之詔，命不施于天下。夫人之教令，不施于境中。杞獨無君乎？而夫人主之也。

故特書于策，以為婦人亂政之戒。

狄圍衛，十有二月，衛遷于帝丘。

左傳卜曰：「三百年，衛成公夢康叔曰：『相奪予享。』」相夏后

居帝丘公命祀相甯武子，不可。曰：「鬼神非其族類，不歆其祀。杞鄫何事？」杞鄫夏後自當祀相相之不享于此久矣。

非衛之罪也，不可以間成王周公之命祀。請改祀命。



胡帝丘東郡濮陽顓頊之虛亦衛地也狄嘗迫逐黎

侯黎侯寓于衛而衛不能脩方伯連率之職戎嘗

伐凡伯于楚丘而衛不能救王臣之患其後遂為

狄人所滅東徙渡河矣今又為狄所圍遷于帝丘

衛侯不能自強于政治晉文無卻四夷安諸夏之

功矣

癸巳襄王三十四年

春王正月

夏四月己丑鄭伯捷卒

衛人侵狄秋衛人及狄盟

胡再書衛人而稱及者所以罪衛也盟會中國諸侯

之禮衰世之事已非春秋之所貴況與戎狄豺狼

即其廬帳刑牲歃血以要之哉

冬十有二月己卯晉侯重耳卒

左傳冬晉文公卒庚辰將殯于曲沃出絳柩有聲如牛

卜偃使大夫拜曰君命大事戎將有西師過軼我

擊之必大捷焉杞子自鄭使告于秦曰鄭人使我

掌其北門之管若潛師以來國可得也穆公訪諸

于是有如唐德宗召平涼之辱者矣

卜偃聞秦密謀故因密謀以正衆心

春。秘。四。傳。通。圖。卷。五。
蹇叔。蹇叔曰。勞師以襲遠。非所聞也。師勞力竭。遠主備之。無乃不可乎。師知所為。鄭必知之。勤而無所必有悖心。且行千里。其誰不知。公辭焉。召孟明。西乞白乙。使出師于東門之外。蹇叔哭之曰。孟子。吾見師之出。而不見其入也。公使謂之曰。爾何知中壽。爾墓之木拱矣。蹇叔之子與師。哭而送之曰。晉人禦師必于殽。殽有二陵焉。其南陵。夏后臯之墓也。其北陵。文王之所辟風雨也。必死是間。余收爾骨焉。秦師遂東。

甲午襄王二十五年三十有三年

春王二月秦人入滑

左傳 秦師過周北門左右免胄而下超乘者三百乘王

孫滿尚幼觀之言于王曰秦師輕而無禮必敗輕

則寡謀無禮則脫入險而脫又不能謀能無敗乎

及滑鄭商人弦高將市于周遇之以乘韋先牛十

二犒師曰寡君聞吾子將步師出于敝邑敢犒從

者不腆敝邑為從者之淹居則具一日之積行則

備一夕之衛且使遽告于鄭鄭穆公使視客館則

車之法
持弓右
車中人
車故左
右下御不
下呂氏春
飲王孫滿
曰過天子
之城空囊
甲束兵

東載厲兵秣馬矣。使皇武子辭焉。曰：吾子淹久于敵邑，唯是脯食牽竭矣。為吾子之將行也，鄭之有原圃，猶秦之有具囿也。吾子取其麋鹿以間敵邑，若何？杞子奔齊，逢孫揚孫奔宋。孟明曰：鄭有備矣，不可冀也。攻之不克，圍之不繼，吾其還也。滅滑而還。

齊侯使國歸父來聘

夏四月辛巳，晉人及姜戎敗秦于殽。

左傳 晉原軫曰：秦違蹇叔而以貪勤民，天奉我也，奉不

可失。敵不可縱，縱敵患生。違天不祥，必伐秦師。欒枝曰：未報秦施而伐其師，其為歿君乎？先軫曰：秦不哀吾喪而伐吾同姓，秦則無禮，何施之為？吾聞之一日縱敵，數世之患也。謀及子孫，可謂歿君乎？遂發命，遽興姜戎，子墨衰經。梁弘御戎，萊駒為右。夏四月辛巳，敗秦師于殽，獲百里孟明視、西乞術、白乙、丙以歸。遂墨以葬文公。晉于是始墨。文嬴請三帥，曰：彼實構吾二君，寡君若得而食之，不厭君何辱討焉？使歸就戮于秦，以逞寡君之志，若何？公

春秋左傳卷五 僖公 七

許之先軫朝問秦囚公曰夫人請之吾舍之矣先軫怒曰武夫力而拘諸原婦人暫而免諸國墮軍實而長寇讐亡無日矣不顧而唾公使陽處父追之及諸河則在舟中矣釋左驂以公命贈孟明孟明稽首曰君之惠不以纍臣釁鼓使歸就戮于秦寡君之以為戮歿且不朽若從君惠而免之三年將拜君賜秦伯素服郊次鄉師而哭曰孤違蹇叔以辱二三子孤之罪也不替孟明孤之過也大夫何罪且吾不以一眚掩大德

胡傳

按書序秦穆公伐鄭晉襄公帥師敗諸殽而經書晉人敗秦于殽是皆仲尼親筆其詞何以異乎書序專取穆公悔過自誓之言止于勸善其詞恕春秋備書秦晉無道用兵之失兼于懲惡其法嚴此所以異也

癸巳葬晉文公

狄侵齊

因晉喪也

公伐邾取訾婁秋公子遂帥師伐邾
晉人敗狄于箕

春秋四傳通釋

僖公

卷五

秦星堂

傳左初曰季使過冀見冀缺耨其妻饁之敬相待如賓與之歸言諸文公曰敬德之聚也能敬必有德德以治民君請用之公曰其父有罪可乎對曰舜之罪也殛鯀其舉也興禹管敬仲桓之賊也實相以濟詩曰采葑采菲無以下體君取節焉可也文公以為下軍大夫

冬十月公如齊十有二月公至自齊

乙巳公薨于小寢


隕霜不殺草李梅實

胡傳

哀公問于仲尼曰春秋記隕霜不殺草何為記之也曰此言可殺也夫宐殺而不殺則李梅冬實天失其道草木猶干犯之而況君乎哀公欲去三桓張公室問社于宰我宰我對以使民戰栗蓋勸之斷也仲尼則曰成事不說既往不咎其自與哀公言乃以為可殺何也在聖人則能處變而不失其常在賢者必有小貞吉大貞凶之戒矣其論隕霜不殺草則李梅冬實蓋除惡于微慮患于早之意也

晉人陳人鄭人伐許

討其貳于楚也



春秋四傳通辭卷五

終

